

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/83, 15.09.2021թ.

Բողոք բերող անձ՝ «Ինտերմեդ Գրուպ» ՍՊԸ

Պատվիրատու՝ ՀՀ պաշտպանության նախարարություն

Գնման ընթացակարգի ծածկագիրը՝ «ՀՀ ՊՆ-ԳՀԱՊՁԲ-21-9/31» գնանշման հարցում

Գնման առարկան՝ բժշկական սարքերի ձեռքբերում

Բողոքի պահանջը՝ պարտավորեցնել «ՀՀ ՊՆ-ԳՀԱՊՁԲ-21-9/31» գնանշման հարցման ընթացակարգի գնահատող հանձնաժողովին՝

1. դադարեցնել 06.09.2021թ.-ի ժամը 14:30 տեղի ունեցած նիստի թիվ 4 արձանագրությամբ կայացված 2-րդ չափաբաժնի մասով «ԻՄՊԵՔՍ» ՍՊ և «ՎԵՐԻՏԱՍ» ՍՊ ընկերությունների հայտերը բավարար գնահատելու մասին որոշումը, «ԻՄՊԵՔՍ» ՍՊ ընկերությանը 2-րդ չափաբաժնի մասով ընտրված մասնակից ճանաչելու մասին որոշումը, 10.09.2021թ.-ի կայացված և հրապարակված 2-րդ չափաբաժնի մասով պայմանագիր կնքելու մասին որոշումը, և/կամ

2. ընդունել «ԻՄՊԵՔՍ» ՍՊ ն «ՎԵՐԻՏԱՍ» ՍՊ ընկերությունների հայտերը 2-րդ չափաբաժնի մասով անբավարար գնահատելու և մերժելու մասին որոշում, ն/կամ,

3. ԻՆՏԵՐՄԵԴ ԳՐՈՒՊ» ՍՊ ընկերությանը 2-րդ չափաբաժնի մասով ընտրված մասնակից ճանաչելու մասին որոշում:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ. ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



Intermed Group LLC
Margaryan str. 37 unit 131, 0078 Yerevan RA
Tel.: +37410399994
e-mail: info@intermed.am
www.intermed.am

**ՀՀ գնումների հետ կապված
բողոքներ քննող անձին**
հասցե՝ ՀՀ, ք. Երևան, Մելիք Աղամյան 1

Բողոք բերող՝ «ԻՆՏԵՐՄԵԴ ԳՐՈՒՊ» ՍՊԸ
ՀՎՀՀ՝ 02621803

հասցե՝ ՀՀ, ք. Երևան, Մարգարյան փող. 37, տարածք 131

տնօրեն՝ Արման Դիլանյան

հեռ՝ +374 10 39 99 94, +374 99 19 00 98

էլ. փոստ՝ intermedgroup@inbox.ru

Պատվիրատու՝ ՀՀ պաշտպանության նախարարություն

հասցե՝ ք. Երևան, Բազրևանդի 5

Գնման ընթացակարգի ծածկագիրը և առարկան՝

**Բժշկական սարքերի ձեռքբերման նպատակով հայտարարված
թիվ «ՀՀ ՊՆ-ԳՀԱՊԶԲ-21-9/31» ծածկագրով գնանշման հարցում**

ԲՈՂՈՔ

/թիվ շնորհակալագրի վերաբերյալ/

ՀՀ պաշտպանության նախարարությունը (այսուհետև նաև՝ Պատվիրատու) իր կարիքների համար բժշկական սարքերի ձեռքբերման նպատակով 24.08.2021 թվականին հայտարարել է թիվ «ՀՀ ՊՆ-ԳՀԱՊԶԲ-21-9/31» գնանշման հարցման ընթացակարգ (այսուհետև նաև՝ ընթացակարգ):

Գնման ընթացակարգի հրավերով, մասնավորապես՝ 2-րդ չափաբաժնով սահմանվել է հետևյալը. *«Մանրէազերծման սարքը պետք է ունենա պաշտոնական համատեղելիություն՝ Karl Storz, Olympus արտադրողների սարքերի և գործիքների հետ»:*

Գնման ընթացակարգի 2-րդ չափաբաժնի շրջանակում հայտ են ներկայացրել նաև «ԻՄՊԵՔՍ» ՍՊ, «ՎԵՐԻՏԱՍ» ՍՊ և «ԻՆՏԵՐՄԵԴ ԳՐՈՒՊ» ՍՊ ընկերությունները:

Գնման ընթացակարգի մասնակից «ԻՄՊԵՔՍ» ՍՊ ընկերությունը, նույն գնման ընթացակարգի հրավերով սահմանված Հավելված N 1.1 նախատեսված նկարագրով որպես 2-րդ չափաբաժնի համար նախատեսված ապրանքի ապրանքային նշան գրել է՝ ապրանքային նշան՝ SHINVA, մակնիշ՝ PS-100GXP, իսկ արտադրողի անվանում՝ Shiva Medical Instrument Co., Ltd.:

Գնման ընթացակարգի մասնակից «ՎԵՐԻՏԱՍ» ՍՊ ընկերությունը, նույն գնման ընթացակարգի հրավերով սահմանված Հավելված N 1.1 նախատեսված նկարագրով որպես 2-րդ չափաբաժնի համար նախատեսված ապրանքի ապրանքային նշան գրել է՝ ապրանքային նշան՝ SHINVA, մակնիշ՝ PS-100GXP, իսկ արտադրողի անվանում՝ Shiva Medical Instrument Co., Ltd.:

Այսինքն վերը նշված 2-րդ կազմակերպությունները նշել են ամբողջովին միևնույն ապրանքային նշանը, մակնիշը և արտադրողի անվանումը, ինչի իր մեջ արդեն իսկ պարունակում է որոշակի ռիսկեր:

Վերը նշված մասնակիցները իրենց կողմից ներկայացված ապրանքների տեխնիկական բնութագրերում ամբողջությամբ արտատպել են ՀՀ ՊՆ-ի կողմից գնման ընթացակարգի հրավերով սահմանված ապրանքի տեխնիկական բնութագրերը, մասնավորապես, նշել են նաև հետևյալը. *«Մանրէազերծման սարքը ունի պաշտոնական համատեղելիություն՝ Karl Storz, Olympus արտադրողների սարքերի և գործիքների հետ»:*

Սակայն մասնակիցների կողմից գնման ընթացակարգի շրջանակում ներկայացված հայտերը 06.09.2021 թվականի ժամը 14:30 տեղի ունեցած նիստի N 4 արձանագրությամբ գնահատվել են հրավերով նախատեսված պայմաններին՝ այսինքն տեխնիկական բնութագրին բավարար, իսկ «ԻՄՊԵՔՍ» ՍՊ ընկերությունը 2 չափաբաժնի մասով ճանաչվել է ընտրված մասնակից:

Վերը նշված որոշման արդյունքում 2021-09-10 17:22:01-ից մինչև 2021-09-15 00:00:00 ժամը ներառյալ սահմանվել է անգործության ժամկետ, ինչից ելնելով

«ԻՆՏԵՐՄԵՆԴ ԳՐՈՒՊ» ՍՊ ընկերությունը հենց այդ ժամանակահատվածում և որոշեց ներկայացնել բողոքը, ինչը նախատեսված է «Գնումների մասին» ՀՀ օրենքով:

Ներկայացված բողոքով «ԻՆՏԵՐՄԵՆԴ ԳՐՈՒՊ» ՍՊ ընկերությունը հայտնում է, որ գնման ընթացակարգի 2-րդ չափաբաժնի մասով «ԻՄՊԵՔՍ» ՍՊ և «ՎԵՐԻՏԱՍ» ՍՊ ընկերությունների հայտերը ներկայացվել են հրավերի պահանջների խախտմամբ: Մասնավորապես, ինչպես արդեն վերը նշվեց «ԻՄՊԵՔՍ» ՍՊ և «ՎԵՐԻՏԱՍ» ՍՊ ընկերություններ հրավերով սահմանված Հավելված N 1.1 նախատեսված նկարագրով որպես 2 չափաբաժնի համար նախատեսված ապրանքի ապրանքային նշան գրել են՝ ապրանքային նշան՝ SHINVA, մակնիշ՝ PS-100GXP, իսկ արտադրողի անվանում՝ Shiva Medical Instrument Co., Ltd., ինչպես նաև նշել են, որ իրենց կողմից նշված արտադրող ընկերության *Մանրէազերծման սարքը ունի պաշտոնական համատեղելիություն՝ Karl Storz, Olympus արտադրողների սարքերի և գործիքների հետ:*

Ի ապացույց նշվածի, գնումների հետ կապված բողոքներ քննող անձի ուշադրությունն են ցանկանում հրավիրել Karl Storz և Olympus արտադրողների կողմից տրված գրություններին, առ այն, որ «ԻՄՊԵՔՍ» ՍՊ և «ՎԵՐԻՏԱՍ» ՍՊ ընկերությունների կողմից ներկայացված Shiva Medical Instrument Co ընկերության PS-100GXP մակնիշի SHINVA ապրանքային նշանով ապրանքը հակիրճ չունի պաշտոնական համատեղելիություն՝ Karl Storz, Olympus արտադրողների սարքերի և գործիքների հետ:

ՀՀ պաշտպանության նախարարության «ՀՀ ՊՆ-ԳՀԱՊԶԲ-21-9/31» գնանշման հարցման ընթացակարգի գնահատող հանձնաժողովի կողմից խախտվել է «Գնումների մասին» ՀՀ օրենքի Օրենքի 34-րդ հոդվածի 1-ին մասը, համաձայն որի՝ Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Խախտվել է նաև ՀՀ կառավարության 04.05.2017 թվականի թիվ 526-Ն որոշման հավելված 1-ով հաստատված գնումների գործընթացի կազմակերպման կարգի 67-րդ կետը, համաձայն որի՝ գնահատող հանձնաժողովը կարող է պատճառաբանված որոշման դեպքում ստուգել մասնակցի ներկայացրած տվյալների իսկությունը՝ օգտագործելով պաշտոնական աղբյուրներից ստացված տվյալներ կամ դրա մասին ստանալով իրավասու մարմինների գրավոր եզրակացությունը: Նման հարցում

ուղարկվելու դեպքում համապատասխան պետական և տեղական ինքնակառավարման մարմինները հարցումն ստանալու օրվան հաջորդող երկու աշխատանքային օրվա ընթացքում տրամադրում են գրավոր եզրակացություն: Եթե մասնակցի ներկայացրած տվյալների իսկության ստուգման արդյունքում տվյալները որակվում են իրականությանը չհամապատասխանող, ապա տվյալ մասնակցի հայտը մերժվում է:

Վերոնշյալ հոդվածների համադրման արդյունքում կարելի է եզրակացնել, որ եթե մասնակցի հայտը չի համապատասխանում հրավերի պահանջներին, ապա գնահատող հանձնաժողովը կարող է ստուգել մասնակցի ներկայացրած տվյալների իսկությունը, որի արդյունքում եթե ապացուցվում է, որ իրականությանը չհամապատասխանող տեղեկատվություն է ներկայացվել, ապա այդ մասնակցի հայտը պետք է մերժվի՝ առանց շտկման հնարավորության:

Այսինքն, թե «ԻՄՊԵՔՍ» ՍՊ և թե «ՎԵՐԻՏԱՍ» ՍՊ ընկերությունների կողմից ներկայացված գնման ընթացակարգի 2-րդ չափաբաժնի մասով ներկայացված հայտը չի համապատասխանում հրավերի պահանջներին, ուրեմն և ենթակա են մերժման:

Մասնակիցների հայտերի մերժման արդյունքում կպահպանվի «ԻՆՏԵՐՄԵՆ ԳՐՈՒՊ» ՍՊ ընկերության «Գնումների մասին» ՀՀ օրենքի 3-րդ հոդվածի 2-րդ մասի նախատեսված գնման գործընթացին մասնակցելու սկզբունքները:

«ԻՆՏԵՐՄԵՆ ԳՐՈՒՊ» ՍՊ ընկերությունը առաջնորդվելով «Գնումների մասին» ՀՀ օրենքի ԲԱԺԻՆ 6-ով (գնումների գործընթացի բողոքարկումը), գնումների հետ կապված բողոքներ քննող անձին խնդրում է պարտավորեցնել ՀՀ պաշտպանության նախարարության բժշկական սարքերի ձեռքբերման նպատակով 24.08.2021 թվականին հայտարարված թիվ «ՀՀ ՊՆ-ԳՀԱՊԶԲ-21-9/31» գնանշման հարցման ընթացակարգի գնահատող հանձնաժողովին.

1. դադարեցնել 06.09.2021 թվականի ժամը 14:30 տեղի ունեցած նիստի N 4 արձանագրությամբ կայացված 2-րդ չափաբաժնի մասով «ԻՄՊԵՔՍ» ՍՊ և «ՎԵՐԻՏԱՍ» ՍՊ ընկերությունների հայտերը բավարար գնահատելու մասին որոշումը, «ԻՄՊԵՔՍ» ՍՊ ընկերությանը 2-րդ չափաբաժնի մասով ընտրված մասնակից ճանաչելու մասին որոշումը, 10.09.2021 թվականին կայացված և հրապարակված 2-րդ չափաբաժնի մասով պայմանագիր կնքելու մասին որոշումը, և/կամ

2. ընդունել «ԻՄՊԵՔՍ» ՍՊ և «ՎԵՐԻՏԱՍ» ՍՊ ընկերությունների հայտերը 2-րդ չափաբաժնի մասով անբավարար գնահատելու և մերժելու մասին որոշում, և/կամ

3. «ԻՆՏԵՐՄԵԴ ԳՐՈՒՊ» ՍՊ ընկերությանը 2-րդ չափաբաժնի մասով ընտրված մասնակից ճանաչելու մասին որոշում:

Կից Ձեզ եմ ներկայացնում.

1. «ԻՆՏԵՐՄԵԴ ԳՐՈՒՊ» ՍՊ ընկերության տնօրենի անձնագրի և պետական ռեգիստրի վկայականի պատճենները.

2. «ԻՄՊԵՔՍ» ՍՊ և «ՎԵՐԻՏԱՍ» ՍՊ ընկերությունների կողմից ներկայացված Հավելված N 1 պատճենները.

3. Karl Storz և Olympus արտադրողների կողմից տրված գրությունների պատճենները.

4. Բողոքարկման վճարը հավաստող փաստաթղթի պատճենը:

15.09.2021թ.

«ԻՆՏԵՐՄԵԴ ԳՐՈՒՊ» ՍՊ ընկերության
տնօրենի՝

Ա. Դիլանյան

